



© Hexen-Bärengruppe Mieming 2023

HOLZEIS BICHL - SKILIFT



Öffnungszeiten:



Montag bis Freitag

von 16:00 Uhr bis 14:00 Uhr

Samstage, Sonn- und Feiertage und Ferien
GESCHLOSSEN!



Sollte an betriebsfreien Tagen Bedarf bestehen,
bleibt der Lift trotzdem geschlossen!

Viel Spaß im schneereichsten
Skigebiet Mitteleuropas!

Mir Hexen tiens halt schu lang wissen,
am Holzeisbichl weart mit Schneemachen schu lang
ummenander gschissn.

Drum tien mir Hexen iats des übernehmen,
dass die Leit a amol zum Rodeln und Skifahrn
kemmen.

Des mit die Öffnungszeiten, des isch a Graus,
do soll sich kennen no ebber aus.

Muesch grad froah sein, wenn der Teppich amol lafft,
do hattn se gscheider vu Obstoag in Sessellift kafft.

Mit der Schneekanone des tuet it gar aso laffn,
drum ham mir halt gmuent, do mues ma e nuie kaffn.

Es ganze Jahr isch se schu hin,
und ietzt kimmt ma drau, de muass laffn, de Maschin.

Die bestn Tag zum Schneemachen hat ma versaumt,
des Ersatztoal hat ma im Bauhof schu verraumt.

De Pumpe isch hin, des woas ma schu lang,
lei beim Richten vu dem Ganzn isch it gar aso a
Andrang.

Drum liabe Leitln, seids it beas,
Des Skigebiet hat halt amol a anständige Greaf.

Es kann ja amol ebbes schief gien,
aber, dass gar nicht lafft, des tien mir it verstien.

A Sommerrodelbahn, des kannsch do machen,
nacha brauch die Gemeinde koan Schnea mehr machen.

Sein tuets ja a bärige Gschicht,
lei, wenn nix tuesch, passiert halt a nicht.

Die Gemeinde tuet it viel dergleichen,
drum setzen mir Hexen heit amol a guats Zeichen.

A Schneemobil und a Schneekanone, des ham mir do
alls mit, wie ma do tuet sehn,
iatz tien mir den Holzeisbichl pflegen.

Bis iatz hat des ja it aso funktioniert mit dem ganzen
Zuig, ganz Mieming tuet des wissen,
am Holzeisbichl ham se huire gar alls verschissn.